

中國地方志集成

四川府縣志輯 ⑪

民國綿陽縣志

民國三台縣志

巴蜀書社 ● 江蘇古籍出版社 ● 上海書店

中國地方志集成

四川府縣志輯①⑦

出版 巴蜀書社

(成都鹽道街三號)

印刷 成都東方福利彩印廠

發行 四川省
新華書店

責任編輯 謝藝波
封面設計 范一辛

(川)新登字〇〇八號

1992年8月第1版 1992年8月第1次印刷

ISBN7-80523-478-7/K·96

縣陽縣志序

縣爲直隸州轄德安縣梓羅五縣故州合五縣爲一書民國二年改州爲縣定名縣陽雖司五縣初級第二審之權而行政系統不相隸屬縣自爲縣矣邦人士以縣制既定舊縣州志非一縣之專籍且州志久待續思有以改弦更張之此縣陽縣志之所由作也洎民國八年編纂議決設修志局於縣議會聘陳進士淦任纂修崔教諭映棠爲協修以是年五月開局知事梁兆麒亦蒞局倡導志體日錄於焉畧定適縣議會與纂修意見相左陳君意沮遂未到局其後兩年間防軍迭更知事六易文獻事益不能舉矣民國十年陳纂修病歿知事張瑤從縣議會之請以協修縣陽縣志

卷首序

一

崔君任纂修主持局務崔君獨任艱鉅在局兩年編纂初稿將半猶慮曠日持久自願回家纂輯弁以純盡義務一年畢事爲約議者稱之殊川戰迭起軍人佔其書室致編輯無多復值知事李楫蒞任縣議會咨縣索取志稿立言不符事實崔君痛之遂盡交各稿而辭卸纂修之任縣志因以中停勢將絕望焉十九年春縣長袁鈞方議經修旋即去任余於是年四月奉命宰縣亟思完成此作聘崔君爲總纂主其事崔君有難色余登門敦促者再弁以分職爲約崔君允之乃設修志局於南鄉公所余自兼局長崔君任副局長兼總纂聘劉清鈺楊煒顏三益張映奎爲分纂廖洪義同紹劍謝昭陳汝杭周樹森爲中東西北

五區採訪更以史之良崔定昌分任文書庶務諸事責有專屬各展其能于是整理舊稿採輯新篇自二十年一月舉辦二十二年三月歲事全書遂以告成除序列姓氏圖考目錄外計分十類曰疆域曰建置曰食貨曰職官曰文學曰武事曰人物曰選舉曰藝文曰雜異析其目凡六十餘條附屬之古事由漢迄清近事由清同治十二年迄民國二十一年爲斷凡鈔板四百一十有畸成頁可八百二十有畸今而後可以慰邦人士十五年來渴望縣志之心矣夫一縣之有志猶一國之有史也國史志一國文化政治之興衰隆替以供留心世道人心者考鏡之資縣志亦如之余宰縣三年對於獄政交通教育團務市政水利戶

卷首序

二

籍釐稅諸大端均畧有所建樹以期符興利除弊之風志惟於文獻一端宛如闕如私心愧焉茲編既成庶可稍減悔吝矣剞劂甫竣爲述崖畧補遺續新是所望於來者中華民國二十二年四月元日縣長蒲殿欽序於縣陽縣府西廳

原序

縣志序

張

漢

左縣爲三蜀要郡有明之季遭寇變而文獻無徵予嘗道過縣州一覽風土之勝今年秋復自巴溯縣寓處廿有餘日索覽州志知州事屠益受曰無所謂州志也近方據拾殘書購求軼事創爲草具正翼裁訂乞冠以序而梓之益受辛丑成進士薦出予門同官史署祠出典禹州今典縣州表章人物紀載山川猶然舊史之意往予河南郡志以謂在一郡則書一郡亦史氏之職益受意亦云爾考縣舊志縣爲四塞之郡山形如斗襟帶三川又涪水與安水交流合抱如巴字每江漲登高望之點畫惟肖以是風土之勝又經聖天子倚注維殷雖越在荒服大有柔遠之意喚而字之縣將大有人焉復出其地履斯任者可任其抱殘守缺畧不一爲表章以昭盛世同文之治乎予籍本巴人巴與縣接壤伊邇亦先世鄰好之誼予經其地與采風謠纂排遺乘尤有淵源之思焉至益受近承優旨矢圖報稱修廢舉墜不遺餘力新政率有可紀者茲尚未暇紀以自侈也賜士出身翰林院檢討石屏張漢月槎父題

縣志序

屠用謙

用謙不文會叨史署天子新嗣位擇詞臣尤曉吏事者俾出試州郡謙與選焉先典河南禹州以憂歸復有縣之役

天子謂縣爲蜀中要都乃降優旨特簡知州事倚任甚渥銜命而前且漸且懼龜勉從事報稱有日比至縣而州不免凋敝故明以來昔日都邑人民之盛至今未及全復宜天子西顧柔遠之仁真無遠而不屆也政暇索州志考稽山川人物以便吏治州志竟缺文獻渺然謙乃苦心購索得什一於千伯從斷簡殘編摭拾遺事復纂輯成書區爲六册凡閱五月而工竟付之梓人實創草具未暇精詳嗣加潤飾則待後博物之君子焉謙惟古者問俗採風天子命輶軒之使巡行邦國陳詩納賈太史氏之職也謙叨舊史雖他郡殊邑猶且采訪民風以志同文之盛況承乏此地任吾職掌之域可任其荒畧而不問耶州志成謙幸得

縣志序

卷一 序

二

縣志後序

屠用謙

昔朱子守南康未視事首詢圖志識者以爲得大體予下車之初登六一堂知縣雖敝陋乃歐陽文忠公父子政事文章藪也况代有傳人科名宦業炳炳烺烺哉因竊取朱子之意索一披覽書缺有間矣維時紛拏簿領張弛化琴補過未遑究鮮分寸清陰肆力鉛槧然其心實惓惓焉顧予楚人也走數千里外毫無依據輒欲效秦漢以下人說

秦漢以上事雖搜羅罔軼則亦耳治焉已矣其能面稽石
鶴於晉宋親察眉足於堯舜乎然而志以傳信不以傳疑
用是摩挲斷碣涉獵殘篇哀諸士夫剝蝕之餘證諸父老
傳聞之口夏五郭公殊多參互魯魚帝虎頗費披覽其可
知者錄之不可知者闕之則又操觚者所無如何也須梓
人工竣予雖得之塵牘餘閒未能踵事增華然其畧則有
可質言者是書也左縣列於前五邑尾其後以次相及魚
鱗櫛比便寓目焉厥類有四一曰考詳本末也二曰表紀
姓氏也三曰傳徵獻也四曰編昭文也四類之中分爲綱
目綱統乎目目統乎凡計爲綱十有九冠以小序從詩體
也爲目百有九標以特書尊史例也冊凡六板凡四百一

縣陽縣志

卷一 序

三

十有二字凡十三萬八千五百有奇費凡百四十金勒成
一帙而曩者惓惓之心或可以少釋此予修輯之大畧也
嗣籍而記之閭而度之仍僉老成吏人掌其鍵勿令散佚
勿擅減增勿俾風雨漂搖勿爲蟲鼠蠹齧後之登斯堂者
如考亭氏先務急取之柱下有藏板焉其亦鑒予草創苦
心乎乾隆三年三月孝感屠用謙後序

縣州志序

李在文

在文幼從先大夫官白下取大江南北風土人物志編讀
之而知範風俗以存典型外史之職與柱下表裏而兼擅
才學識之長者實未易數觀其人長與程漁門魯二菴諸
君子以十五國之風詩相切劇唱酬間作取適性情冀或

備他時輶軒之採不意阿好者竟爲收入熙朝雅頌集中
雖詩以言志不過志一時之感觸記胸臆所欲言於經世
服物毫無關會自媿壯夫不爲也嗣筮仕入川割劇邑參
戎行匆歟幾二十年填委簿書卒未能搦管濡毫一抒其
觀風問俗之素志恆歉歉焉庚午夏來刺縣州諮諏利弊
矯枉扶偏不期年人事寧息年物豐和竊喜有著書歲月
而時適奉文有纂修州志之舉志創於乾隆元年前州牧
屠畏菴用謙至今七十餘年矣移州復州事關典制中間
教匪蹂躪修復城隍及祠廟官廨諸工役具見州民急公
之忱益徵聖澤涵濡之厚且當匪徒狼奔豕突之時民間
忠烈士女捐軀授命視死如歸恐其歷久就湮姓氏與草

縣陽縣志

卷一 序

四

木同腐更不可不急加採錄爲末俗風一時四鄉紳民間
風興起稟請捐伙工費謹依提調省志局憲刊發條式編
成志稿五十四門門列一卷帙屠志篇幅加倍蓋依例重
修非續纂比也時桐城潘甫之監州主講左縣州紳孫貞
堂觀察家居多暇竝延主局暨分纂孝廉明經五人考取
膳錄生員文童十名採訪生員四鄉共十六人徵文考獻
共襄盛舉凡九閱月而稿成竊惟士生於縣以著述科名
顯者如李譔大白鄧文原于環劉睽蘇易簡以下無慮數
十人流寓如揚雄杜甫王勃魏了翁等所撰著不下千百
萬言州守如樊紹述鮮于侁唐庚李藝輩文章政事照耀
簡編更難更僕數蓋文章必得於山水之助而左縣接閩

道之雄奇泛緋江之華艷其相長爲較深也在文備官右
文盛世重以省憲勤諮又得諸君及山水之助於紹述諸
賢卽有未逮而蒐羅逸佚考證見聞去取從違愼益加愼
或亦畏菴氏所樂引爲同調者脫稿甫半在文適奉守夔
之命未能聿觀厥成是所望於後來君子宏茲遠謨更加
裁訂與二三同志共成其美也嘉慶十七年壬申八月中
秋日陞任夔州府知府縣州直隸州知州長白李在文序

縣州志序

俞廷樟

壬申九月予代篠園來守巴西自士習民風農田水利以
及簿書錢穀期會靡不咨詢因革以要其事之終始而定
從違既又以其未畢之志稿日夜搜討參互考訂五閱月

縣陽縣志

卷一 序

五

削稿甫就弁言於首竊維古人著述待於若刪若補若訂
相得而益彰者如元李好文以至正四年再任陝西行臺
治書侍御史取呂大防故圖刪除詭駁更爲圖二十有二
宋宋祁知益州因沈立劍南方物畧補其闕遺共得五十
六種各爲圖而系以贊併注其形狀於後爲益部方物畧
記一卷明王鏊與杜敬祝允明蔡羽文徵明等取吳寬張
習都穆未成之藁因其凡例共相釐定爲姑蘇志六十卷
非不煥煥炳炳卓然成一家言以輝映於後先然當其過
往績來或數十年而遇或百餘年而遇或異代而始一遇
嗚呼何其難也今篠園區區一志以夙昔之願應大憲之
徵聚一時之文獻閱九月未底於成適當守夔而予代其

後二憲又寬假以成書之期已東西屬耳日焉篠園得親
見志草之成也以視古人異代相須者何似篠園不其幸
也乎哉予自維入峽來所至多名勝之區往往作爲詩歌
以紀其盛故初守臨邛登相如之臺訪魏鶴山遺跡想見
其流風餘韻再守眉州過蘇氏紗縠行瑞蓮亭慕頤觀老
人泉諸勝地畢然於文章氣節會萃一門今權縣州乃更
得寓歐公六一堂研丹握管與縣之先賢尹默李譔李白
劉暎蘇易簡蘇舜欽鄧文原金獻民諸公相尙友蓋不獨
篠園之幸而予亦與有幸焉甫下車卽嘗審視縣之利弊
損益於其間暇復與潘甫之監州孫占堂觀察等上下其
議論若刪若補若訂雖不敢自埒古人亦庶幾范石湖胡
縣陽縣志

卷一 序

六

長文二公相繼帥蜀集爲丙丁記之意也此尤子之幸也
夫賜進士出身署縣州直隸州知州候補直隸州餘杭俞
廷樟序

縣州志序

范紹泗

癸酉歲仲秋余奉命來守是邦下車伊始紳士等呈州志
藁請鑒政初大府具奏請續修四川全省通志檄行各郡
縣稽舊乘訪潛德編輯成書齊省備纂時前刺史李篠園
公承檄經始延食古通經者採輯自壬申三月至九月削
藁甫半卽遷秩雲安刺史俞春岑公繼某事注意趣之又
閱半載屆限已迫催急費靡草草成書三分送省局彙修
一分存州公餘披覽其中分門別類沿革建置援據舊聞

博採時事體律不無參差慮難以信今而傳後乘隙卽爲
點定宵分不遑間與一二秉筆諸君參互考証迺萃上下
數千百年土地人民政事之掌故兼綜而條分縷晰惟在
簡而該括而不遺詎敢擬於陳壽李膺常璩張唐英諸前
輩之創作迭起後升菴玉壘方洲三太史之續修稱善而
汰華存實要無失善善從長之意獨念以前人創始之難
事經數十年而一遇時會遷延遲逾歲月工費既乏仰屋
徒嗟志已修而不刻不與不修同歟故夫事以有待而行
則程功不速功必專歸於已則集事恆難以地方緊重威
事官不能獨舉與士民共籌而未集則官不得不力任之
惟余莅縣五閱月耳徒以士民望志之切亟酌捐廉俸爲

縣陽縣志

卷一 序

七

好義倡適有力者共依厥成不數月而釐定付剗哀然成
帙不將與天府大郡同炳國書以上昭聖天子一統同文
之治耶余雖不敢自以爲功而自維區區任事之心皇然
如不及待故偶獲有濟耳且是書創於篠園李公繼以春
夢俞公值余編次剗剗而落成時則受余代之黃璞齋刺
史也謂是李與俞之成是書也可謂是余四人之成是書
也可謂是與闔州人士共襄其成也可北上戒行聊弁
數語於簡端并以質同官莅事諸君子焉嘉慶十有九年
甲戌仲春月奉政大夫縣州直隸州知州馮翊范紹泗金
泉氏撰

重修縣州志序

文榮

世謂志乘之書與國史同非也史簡而文博而約志則洪
纖悉備凡夫城邑河渠政刑賦稅以及文物技藝下至匹
夫匹婦苟於忠孝節義有一事之可傳者無不輯而存之
此體例也縣州直隸州控山川形勢之勝爲省門藩蔽歷
代重之其志書創於乾隆元年屠君畏庵至嘉慶十七年
族伯祖篠園公奉文績纂時三省敎匪茲事後武功頗著
披羅軼事共分五十四門燦若列眉觀者咸稱大備逮道
光十餘年間先大夫兩權州篆以教養爲務政成化洽民
思之不能忘記主於祠暨碑於道迄今過城西及州北門
慨然猶想見先人之遺澤焉嘗謂榮任京秩時襄史局遼
金元三史成敘官入蜀擬將州志復從而蒐輯之視事未

縣陽縣志

卷一 序

八

久奉檄去有志終未逮也咸豐十一年榮適陞守是州下
車伊始與都人士相接綢繆道故感慨係之城外廬舍田
園悉成灰燼瘡痍滿目風景淒然大非昔年隨任時殷繁
氣象又惻然心憫者久之因辦理善後事宜於利弊之所
當興廢者咸整理之而死綏之士與夫從容就義之徒正
欲採訪姓名以垂不朽而適奉大憲纂修州志之命蓋自
我篠園公至今又閱五十餘年矣其間城邑溝渠之變遷
人物市鎮之陵替征徭團練之並作津貼捐輸之繼行皆
舊志所未列也矧滇逆藍大順以數十萬之眾圍困州城
登陴一望附郭百餘里烽火彤天而民之喪亡枕藉効死
不去者蓋亦知縣爲涪地自古巴蜀用兵之際未有不力

爭此郡以窺伺錦城者也藍逆欲攻省而深慮縣人之躡其後擬先取之以爲基殊不知沐浴聖化父詔兄勉各以忠義相勗齊血塗原野骸骨填溝壑外援至而內應出夾攻殲賊其保守我州城者卽其捍衛我省城者也若不急取而表彰之俾死事者或至姓名有湮沒之虞不特州民之憾抑亦守土者之羞歟聚不敏未獲如先大夫躬際昇平得以孝弟力田與閭閻敦古處而適值兵燹之餘與先伯祖之續修州志於教匪既平之後情相似述相類也一州世守閱再傳而撫我斯民當修輯是編榮敢不其詳其慎以備輶軒之採擇乎爰爲之序

縣陽縣志

卷一序

九

川文

凡例

一縣陽縣志因縣網變更奉令改修體本屬乎創而要不能不就舊志記載兼收備存則事亦本乎因查前志體例與楊蓉裳部郎所修四川省志如出一轍則以通遵憲頒程式故也茲續修標示舉段琳堂大令富順志爲準讀其文體洵如陳壽三國志高簡有法而其類例則仿文獻通考依次列目倘尺寸而墨守之與守科舉之程式何異因取他志之善者亦酌爲變通絕不參以私臆若謂後人作志往往喜炫已長故反前轍則吾豈敢一第縣州志統括五縣今易州爲縣於轄屬例從刪削於清初原隸之彰明更無庸牽合以明界率而事蹟文篇

縣陽縣志 卷一 疆域 凡例 一

一舊志弁首以星野度屬觜星案史記天官書固有以十二舍主十二州之語漢書天文志卽云觜觿參益州文獻通考以自畢至東井魏之分野屬益州河圖括地象以岷山之精上爲井絡明天文志則直以縣州屬觜分夫分野限以十二州於義甚狹古人已多議之故前史職祥多不應驗又推測互異洪容齋亦斥其謬亂辨論轉覺辭費不如逕付闕如

一志有今昔異情者如宸翰類今亦間載入藝文而其他之屯田土司木政古帝王陵墓等類爲縣地所無者若列其目而注以關轉屬無謂今查無其事者去之或其

事文可存而不當列專條者則附入他條不設虛目

一圖績之學今勝於古縣州輿圖襲一統志舊式於方里表尺南北經緯山川原委形勢險阨悉少標識覽者病焉今除舊定全境疆域圖外加現測全縣交通圖縣政

府新建全圖書文廟圖城隍街道圖新建公園圖縣城山水風景圖附舊城經水冲刷圖悉續之取便觀覽

一疆域建置為方志最要凡地望之東西封域之廣袤名稱之紛歧為披覽者所注重今依富順志體為志首紀疆域建置應附屬者類從餘亦各分條目若綱網之貫

弗漢書藝文志杜佑通典皆此例也次食貨次職官次文學次武事次選舉次人物次藝文次雜異志總以十

縣陽縣志

卷一 疆域

凡例

二

列目六十有疇不名次第煩而不整之弊庶或可免

一漢書食貨志即史記平準書於賦稅錢幣鹽鐵均輸俱入焉今之權稅名繁於古自可依類附列而戶口物產食貨所關亦準平準書之義歸入其農商實業之有裨地利者亦附此類

一史漢於諸侯功臣人物均綜列一表顧亭林氏謂功臣表著者既系之以傳此外無積勞亦無顯過傳之不可勝書而跡要不啻以遠泯則於表乎載之舊志職官列表政績分志即本此意惟於蔣琬姜維以大司馬屯涪楊懷高沛係白水軍督即楊乾運宋可思鄭剛中均非蒞治專官既不應列表登載今易編年例而為直書以

節省篇幅其不專治於縣者別錄之於前代金石所有舊志所無者與增列之其政績昭著不容泯沒者即綜括紀之不更列表

一古者教士釋奠皆於學宮學宮即庠序之易名唐初尊孔子為先聖詔天下州縣別立專廟以示尊崇宋更別立書院以課士教官山長遂離為二今俱列學校煩從其朔也改革後教育普及學校之設既多則列表明之其學款有贏縮與各地之更易悉分注以資考覈且以章古今無廢學之政

一我縣人士其流風餘韻炳耀方策者代有其人常志於蜀郡人物稱述惟恐或遺其表章文獻之意至篤也今

縣陽縣志

卷一 疆域

凡例

三

x 8

之視昔縱難企及語云十步之內必有芳草但使內行比於姜龐清操伴於杜尹凡有裨於風教者雖弗通顯靡不甄錄及之惟於善從長之中仍守名器不假之義一史家紀人物多撰列傳常道將改稱士女志則省繁詞而歸簡括其體例可師惟舊志於前代名宦文苑皆畧紀梗槩而忠孝節義強半只記名事良由據公牘彙報之文既無宏義闡揚後作者愈難追溯則彙表存之至者壽舊入祥異者今皆併入人物橫列如表無關祿祥一漢志藝文隋志經籍哀集一篇不分為二縣陽地限偏隅向乏鴻編鉅冊必準七略分編難言大備但得隻鱗片羽苟有可觀皆可以錄今仍仿范成大吳郡志分綴

記序詞翰於各門各條之後此外名編於人與地之無可附麗者則條列藝文志內而典籍之確有著錄者無論已刊未刊第存其書目卷數洪纖畢載故兼取兩志之名而部次畧異其金石之足資考鏡者即附此類

一縣地當西北衝要有事秦隴即爲兵戈輻輳之區故自蜀漢以迄五季傳烽轉饒殆無寧歲所處形勢然也舊志博徵史傳於歷代征戰事蹟蒐採頗富而於稗官野史瑣而未書茲於明季張李之芟夷清冉藍李賴之掃滅悉關地方之治亂亦徵將帥之勲烈覲縷補登庶於運籌決勝得資考鏡

一漢書七畧有小說家亦文化之一體降及後世段氏有

縣陽縣志

卷一 疆域

凡例

四

西陽祿俎邱氏有七修彙稿體助虞初編資譚助今他志亦標有外紀軼事鼓譟諸名或殊異其旨皆小說之流也茲祿取瑣錄藉於鑒戒有關悉備芻蕘之采

一修志續議始於民國辛酉以棠承辛澗亡友未撰之業

時雖有核定標目竊旁參他志之善者畧與變通加之潮流所趨新事增益難並綜覈今就目前所規定者即與登載其無關典要及未成事實者暫從闕略又科舉廢裁去教職營制廢裁去武秩以前應載之舉貢及防汎職名槩無檔冊可稽考詢不無缺誤俟後此續修時再爲補正

撰輯期限自民國甲子年以後八年重議補編除總分

纂均任外另設採訪五人補採其已編成者不及十分之七而數年來新政勃興視前所定幾半建置人物藝文賦稅多宜更補有應補而爲採訪所未及經通告各區里自行赴報以二十一年五月爲斷限若過時間或志稿應付寫刊即不便改補其屬二十二年始成事實者亦槩不列入

縣陽縣志

卷一 疆域

凡例

五

縣陽縣志前後經修職員銜名

監修

現任 縣陽縣縣長

蒲殿欽 兼局長

前 縣陽縣知事

梁兆麒

前 縣陽縣知事

張瑞

前 縣陽縣知事

袁鈞

總纂

前 江津縣學教諭

崔映棠 兼副局長

前後分纂

己 酉 科 拔貢生

劉清鈺 兼校勘

己 酉 科 拔貢生

楊煒 兼校勘

縣陽縣志

卷一 序

文 生

張映奎 兼校勘

文 生

顏三益 兼校勘

文 生

孫垚

文 生

文杰

文牘

模範小學校校長

史之良

前後事務員

文 生

崔定昌 兼督刊

廩 生

唐書 兼採訪

分校

成都尚友學塾成業生

左放局

續圖

廿九軍政治講習所特別班成業士

鮮梓城

上海藝術大學成業士

陳鶴書

前後採訪員

文生 周宅錦

何永清

賈成梁

吳鏞

陳泉

張從化

王振宇

劉吉三

尹定臺

姜澤

陳全鳳

楊銳生

唐愷

葉樹勳

周樹森

陳汝杭

同紹釗 地稅課長 廖洪義

學務委員張鍾煌

武正宣 教員謝德昭

縣陽縣志

卷一 序

王思登

何祿康

丁業釗

彭春陽 兼採訪

崔宗琇

縣陽縣志目錄

卷首

序 凡例 姓氏 圖考 目錄

卷一

疆域志 沿革 形勢 山川 津梁 水利
古蹟 墳墓 州 風俗

卷二

建置志 城隍 公署 局所 公廨 書院 倉庫
壇祠 寺觀 道路 郵電 坊表

卷三

食貨志 戶口 賦稅 捐輸 倉儲 鹽法 茶法
幣制 蠲政 荒政 物產 貢業 州

卷四

職官志 文秩 武秩

縣陽縣志

目錄

一

卷五

文學志 學宮 祀典 州 學校 表坊

卷六

武事志 團務 警務 歷代軍事

卷七

人物志 賢良 一 儒林 文苑 武烈 行誼
孝義 忠節 隱逸 流寓 仙釋
方技 耆壽 節孝 貞烈

卷八

選舉志 薦辟 進士 舉人 貢生 武科
議員 學員 封蔭 仕宦

卷九

藝文志 典藉 詩文 金石

卷十

稌異志 祥異 稌識

縣陽縣志

目錄

二

緜陽縣志卷一

疆域

自蘇叢開國帝胃分封梁州之域方軌禹甸迄秦漢兩代始置郡縣縣之疆域廣狹莫稽而涪治形勢要居蜀之西北左思賦都稱曰左縣班固地志則為涪縣縣遠涪近地望昭然歷千百年稱沿莫辨此縣州無縣涪州無涪昔人早有疑議者然論其境地則山水環絡風俗醇樸梁益襟帶隴蜀康莊金牛前關鹿頭後距覲國者於此卜興廢焉繫茲彈丸寧不足紀乎志疆域

沿革

緜陽縣志

卷一 疆域

沿革

一

縣陽舊曰縣州古蜀國地華陽國志華陽之壤梁岷之域是其一固固中之國則巴蜀矣五帝以來黃帝高陽之支庶世為侯伯及禹治水命州巴蜀以屬梁州武王克殷以其宗姬封於巴爵之以子

一統志序始皇二十六年罷侯置守分天下為三十六郡有巴郡漢高帝時析置廣漢郡案縣初屬巴後屬廣

漢

漢書地理志廣漢郡縣十三涪注有屏亭莽曰統睦應劭

曰涪水出廣漢南入漢案涪逕治城後下合嘉陵宕

渠諸水至巴渝入江稱入漢誤

水經注高帝六年置廣漢郡於乘鄉領縣十三涪縣與焉

舊志案乘華陽國志作繩又作汎水經注作汎汎疑即沉字之譌繩沉與乘同音

後漢郡國志涪縣屬廣漢郡漢書王莽改涪縣曰統睦改廣漢郡曰就都光武建武十二年改就都曰廣漢郡統睦曰涪縣

華陽國志元初二年廣漢自繩鄉移治涪後還治雒

省志晉泰康六年析涪縣地置晉興縣在今安縣東九十里屬巴西

郡懷帝永嘉元年移梓潼來治涪改涪縣曰涪城縣

舊志東晉孝武帝仍移郡治梓潼割涪縣西南屏亭鄉今

江別置萬安縣同隸梓潼郡

舊志梁武帝天監十三年陞涪縣為潼州自白沙戍移漢

緜陽縣志

卷一 疆域

沿革

二

昌縣治涪之讓水鄉分屬巴西郡案潼州仍屬梓潼

郡而割讓水鄉置漢昌隸巴西則疆域更狹矣

舊志又云梁分涪縣地僑置始平郡始平縣案僑置非

省志西魏廢帝元年析潼州地置魏城縣於州東之六十

五里寺山下二年改潼州為巴西縣於縣置巴西郡

案巴西之名由來不一其一即縣州一統志西魏為潼

西郡治指此其一在今閬中縣東春秋時為巴西國別都

秦為巴西郡建安六年劉璋分閬中置巴西郡宋元嘉中

復立北巴西郡梁天監八年復曰巴西郡唐初復名隆

州先二年改名隆州大業初復曰巴西郡唐初復名隆

州中縣地其一即春秋時巴子故國在今重慶府附郭之

儀滅巴城江州縣杜預注江州故巴國都華陽國志秦時張

里石鏡縣即今合州此括地志巴子故國在石鏡縣南五

巴為三以墊江為巴郡者是矣若今保寧府所轄之巴

州考舊志在漢爲宕渠地後魏延昌三年始置巴州唐宋元因之明初降爲巴縣正德中復陞州於今不易此巴西郡之屬邑非古巴郡地也又齊書永元初廢晉熙郡以晉熙縣屬南新巴郡此又僞置之巴郡非三巴地也附考於此

舊志文帝開皇初廢巴西郡五年改巴西縣爲縣州煬帝

大業中改金山郡十三年自鹽泉井移魏城縣於縣治

西北之四十五里

今魏城驛

隋書地理志金山郡統縣七巴西古涪縣昌隆彰明縣涪城

隋改安魏城萬安縣江神泉街鎮金山州西

讀史方輿紀要寰宇記西魏分涪別置巴中縣隋改涪縣

曰巴西而以巴中縣省入今正史不載也

通志武德元年復縣州

縣陽縣志 卷一 疆域 沿革 三

唐書地理志巴西郡本金山郡天寶元年更名領縣八巴

西昌明魏城羅江神泉鹽泉龍安西昌

讀史方輿紀要劍南東道梓州至德初分置劍南東川

節度領梓遂縣劍龍聞普陵瀘榮渝合十二州廣德二

年復合爲一大歷二年置東川觀察使於遂州領遂梓

劍龍縣聞六州明年陞爲節度尋復合爲一永貞初復

分爲二又割資簡陵昌榮瀘六州隸東川既而資簡二

州還屬西川領梓遂縣劍普榮合渝瀘九州

舊志乾元初復名縣州屬劍南東道

五代史表縣州屬蜀郡

元豐九域志巴西郡軍治巴西領縣八熙寧五年省西昌

縣爲鎮入龍安九年以茂州石泉縣隸州

宋史地理志縣州巴西郡領縣五巴西彰明羅江魏城鹽

泉巴西爲縣州附郭首縣

讀史方輿紀要建炎後分路十六縣屬成都路

元史地理志縣州初隸成都元至元二十年併魏城入本

州改隸潼川路領縣二彰明羅江省涪城及錄事司入

鄰縣

明史地理志縣州洪武三年來屬十年五月降爲縣十三

年十一月復爲州領縣二羅江彰明

通志宋亦曰縣州巴西郡屬成都府路紹興三年以知州

兼縣茂威州石泉軍沿邊安撫使五年移川陝宣撫副

縣陽縣志 卷一 疆域 沿革 四

使司於州六年罷二十一年罷沿邊安撫使嘉熙元年

爲四川制置所元至元二十年省州治巴西縣及魏城

入本州改隸潼川路明亦曰縣州屬成都路

縣州舊志清初因明舊制屬成都府梓潼屬保寧府雍正

五年陞爲直隸州屬松茂道領德安縣梓羅五縣是年

復設彰明縣屬州領縣六九年改隸川北道分彰明隸

龍安府十三年州仍隸松茂道乾隆二十八年松茂道

移駐茂州以縣州隸成縣道三十六年省羅江入州並

移州治羅江領德安縣梓四縣嘉慶六年士民呈請州

復舊治復設羅江縣合德安縣梓爲領縣五

宋劉甲人物志序唐以前凡稱梓潼者卽今隆慶稱涪者

卽今縣州惟稱鄰及廣漢縣乃今潼川地也潼川名州自五代重和始

舊志縣州去京師四千五百一十五里去省城二百七十里其疆域東西距一百三十里南北一百零五里東八十五里抵梓潼羅漢橋界南四十里抵三臺縣訖江壩界西四十五里抵安縣界牌子界北六十五里抵彰明縣漫坡渡界東南七十里抵三臺縣五泉寺界西南六十里抵中江縣黃鹿鎮界東北一百里抵江油縣黎雅場界西北八十里抵安縣踏水橋界

二統志參四川通志縣州禹貢梁州之域漢置涪縣屬序

漢郡王莽改曰統睦東漢復爲涪縣元初二年居舊志作元初

縣陽縣志卷一疆域沿革五

二年孫舊志引水經注釋作漢安帝永和二年案永和初元初俱安帝年號徙郡治此後又還

治維仍爲屬縣蜀漢改屬梓潼郡晉曰涪城永嘉後徙

梓潼郡來治後又移巴西郡於此宋齊皆曰涪縣梁改

潼州西魏置潼州巴西郡廢帝二年改縣曰巴西并爲

巴西郡治隋開皇初廢郡改縣曰巴西五年改潼州曰

縣州大業初改州爲金山郡唐武德元年復曰縣州天

寶元年復爲巴西郡乾元元年復爲縣州屬劍南東道

五代屬蜀宋屬成都路元至元二十年改屬潼川路以

州治巴西縣省入明改屬成都府清雍正五年陞直隸

州乾隆三十五年省羅江縣入之并移州治焉嘉慶六

年仍復舊治復設羅江縣領縣五鹽捕州判尉豐谷井

中華民國二年陽歷三月始改縣州爲縣陽縣裁豐谷井州判改魏城驛爲分知事治地

縣陽縣志

卷一疆域

沿革

六

縣陽縣沿革表

漢	三國晉	宋魏周隋	唐	宋	元	明	清	中華
涪縣	涪縣	涪縣	涪縣	涪縣	涪縣	涪縣	涪縣	涪縣
涪縣	涪縣	涪縣	涪縣	涪縣	涪縣	涪縣	涪縣	涪縣
涪縣	涪縣	涪縣	涪縣	涪縣	涪縣	涪縣	涪縣	涪縣
涪縣	涪縣	涪縣	涪縣	涪縣	涪縣	涪縣	涪縣	涪縣
涪縣	涪縣	涪縣	涪縣	涪縣	涪縣	涪縣	涪縣	涪縣
涪縣	涪縣	涪縣	涪縣	涪縣	涪縣	涪縣	涪縣	涪縣
涪縣	涪縣	涪縣	涪縣	涪縣	涪縣	涪縣	涪縣	涪縣
涪縣	涪縣	涪縣	涪縣	涪縣	涪縣	涪縣	涪縣	涪縣
涪縣	涪縣	涪縣	涪縣	涪縣	涪縣	涪縣	涪縣	涪縣

縣陽縣志

卷一

沿革表 1128

形勢

蜀志

蔣琬疏今涪水陸四通唯急是應東北有虞赴之不

難

北之要蜀時大將軍鎮之

魏書邢巒表自南安向涪方軌無礙脫得涪則中分益州

之地斷水陸之衝

元和郡縣志依山作固東據天池西臨涪水形如北斗臥

龍伏馬爲蜀東北之要衝

唐書王涯上言蜀有兩道直擣賊腹一縣龍州青川以抵

松州一縣涪州威蕃柵抵樓雞城皆虞險要地

縣陽縣志

卷一

疆域

形勢

一 1131

張演廉泉堂記東界梓遂北接劍利爲三川之襟帶

讀史方輿紀要漢涪縣以城臨涪水而名又云控扼西川

推爲要害

古涪志據涪上流水陸四衝